

大明度經



七十一
羽九

47491



元祿九年丙子二月日重修

皇圖瓊閣 帝階綴昌

佛日增輝 梵輪常轉

山城州天安寺法金剛院置



大明度經卷第二

吳月支謙譯

天帝釋問品持品功德品變謀明慧品

天帝釋問品第二

今時帝釋與四万天子四天王與二万天子
梵眾天與万天子梵輔天與五千天子俱皆

來會坐諸天子宿命功德光耀巍巍持佛神

力光明徹照釋問善業言是諸天子大會欲

聽說智度無極云何闍士大士於大明中立

乎善業曰諸天子樂聞者聽我說因持佛力

廣說智度何天子未求闍士道者今皆當求

以得溝港道者不可復得闍士道何以故問

生死道已正使是輩求者我代其喜不斷功德也悉欲使取經中極尊法使上至佛佛言善哉善哉歡樂闍士學乃尔乎善業白佛言我當報恩終不敢違之所以然者往昔如來無所著正真道最正覺皆與弟子為諸闍士說智度如來時亦在中學斯經妙行今自致作佛用是故當報恩我作是說法闍士受之我歡樂歡樂以大道疾令作佛釋故所聞者聽所問矣問曰闍士云何立智度中乎荅曰持空法立如是釋問闍士大士以影弼誓大乘所至癸五陰不當於中住溝港頻來不還應儀緣一覺至於佛不當於中住五陰無常

不當於中任於苦樂好醜是我所非我所不
當於中任溝港道不動成就不當於中任何
以故七死七生便度去頻來道不動成就不
當於中任何以故一死一生便度去不還道
不動成就不當於中任何以故於上滅度應
儀道不動成就不當於中任何以故應儀道
成已便盡於滅度中而滅訖緣一覺道不動
成就不當於中任何以故不能逮佛道便滅
訖是故不當於中任如來無所著正真道最
正覺用無量人故作功德我皆當令滅訖正
於佛中任佛所作皆究竟已乃滅訖亦不當
於中任秋露子問設使闔士大士不當任五陰

溝港頻來不還應儀緣一覺上至佛當去何
任善業言如來無所著正真道最正覺有任
處乎荅曰不也何以故佛無所任亦不在動
搖不動搖處任亦不不住亦無無任一切無
是如如來任當作是任不當任不住亦示當
任無任當作是任學無所任矣尔時諸天子
心念諸鬼神所語悉可了知今是尊者善業
所說經道了不可知善業知其心所念語諸
天子是經難了難了所以者何我所道說所
教起都為空矣以斯故難聞聞而難了諸天
子心復作是念是語當解當解今尊者善業
深入於法身即告諸天子設使欲索溝港頻

來不還應儀緣一覺無上正直真道若於其道
中任皆當學明度當持守諸天子心復念所
說乃尔當復於何處更索經師又告諸天子
欲知我所說法者如幻人無所聞無所行諸
天問今在是聞法者是人為非幻乎善業言
人如幻幻如人如求溝港頻來不還應儀緣
一覺正直真道者人如幻幻如佛道諸天子復
問乃至佛亦復如幻如人乎曰乃至滅度亦
如幻如人諸天子言滅度亦復如幻如人乎
曰設使有法過於滅度者亦復如幻如人矣
善業告諸天子是幻是人泥洹皆空俱無所
有尊者秋露子滿祝子問說明度如是者誰

能持奉行之荅曰賢者不退轉闍士大士能
持奉行之其應儀等無能受持者所以者何
我所說法為無所說亦無所處法已無所處
法已無所囑累法以是故亦無能受持者釋
心念尊者善業雨法寶我寧可化作華以散
其上便化作甘香華以散佛及善業諸比丘
上華至其膝善業即知言是華不出於忉利
天上釋所散華出於幻耳釋言是華非從樹
出如賢者善業所可說斯事本寂自幻樹出
矣釋言是華從幻樹出也不從樹出者為非
是非是者為非華釋言明度甚深微妙荅曰
然所以者何無所逮得亦無所說釋言尊者

處深微妙明度於法不諍處無所有於法無所
動荅曰然法非動法當作是學如是學不學溝
港頻來不還應儀緣一覺道作是學者為學一
切智出於諸法為不生五陰學受身行不學受
餘法秋露子問如是為不學受一切智乎不學
亡失不學受他法乎荅曰然是為學一切智出
於諸法釋聞法便問秋露子當云何於其中求
報言於善業明度品中求釋問善業持何威神
恩當學知報言持如來威神恩知釋所問明闡
士大士當云何求不可從五陰求可離之求何
以故明度作五陰亦不離之不起之為無所著
無出無猗無猗是明度矣釋言大士為大明無

邊無底報言五陰皆無邊以是故當知法無邊
人無底當知法無底身與作復作用是故當
知之與大明等無異無中邊亦無本端不可
限量一切不可得以是故明度無邊無底不
用計計為多釋問人云何無底善業言云何
於釋意何所法中名為人於法中不見有名
為人者何以故不見有所從來處所以者何
人本末皆空無所有故設使有來者有住止
者但名耳何以故於名字中學有所有不白不
也善業曰用名字無所有故無作我者是故人
無底正使如來無所著正真道最正覺壽如
恒沙劫口說名人人復人寧有生滅者不釋

言一切無生滅者善業言所以者何用一切人淨故無所起名非名不可得是故人無底明度無極名無底當作是知

大明度經持品第三

尔時諸天無央數同時三嘆曰鳴經乎鳴經乎是尊者善業所說道深矣斯大明弘義如如來所由出矣有聞者學之誦之我敬視之如如來佛告諸天子誠然昔定光如來無所著正真道最正覺時有宮宮中有是經我時持之錠光佛授我決言若後當為人中持悉逮佛智作佛名能儒如來無所著正真道最正覺三界最尊安定於法中極明号曰天中

天諸天子白佛言少有及者天中天有持大明者爲受一切智矣時佛在衆中央坐佛告除饑衆除饑女清信士清信女今是四部爲證愛欲天梵天無結愛天皆知佛告釋言高士學斯定持誦其文衆邪不得其便今橫死也忉利諸天子求佛道者未學誦獲其與者是輩天子皆往到是學持誦者所若於空閑避隈處亦不恐不怖也四天王釋梵及諸天子等各白佛言我當護是學持誦者釋復白佛言難及天中天是明度學者心無動搖悉受六度已佛言然善聽我說上中下言皆善釋言受教佛言我經中有欲害亂者起惡意

住未至道亡後所作終不成何以故用是高
士學是經故譬若君有藥其名神丹有蛇索食
道逢虫物蛇欲噉虫即到神丹藥所蛇聞藥
香即還去何以故是藥力所却如是是輩高
士其欲害者便自止還是明度威神力所馱
伏也佛言設有亂者便於彼間自壞不成四
天王皆護入經如行者自在所為所語如甘
露言重成道瞋恚貢高諸惡不生四天王護
之所以然者學明度故心自生念有誦起者
不可近我求索佛道義不可隨是瞋恚語使
我疾逮好心斯高士所作悉見善像釋白佛
言難勝天中天乃過諸惡無與等者佛言釋

是輩人或當過劇難之中終不恐無能害者
善士當誦惟斯定政使死至若然在中欲共
害者如佛所語終不橫死若兵刃向者不中
其身所以然者斯定諸佛神呪呪中之王矣
學是呪者不自念惡不念人惡都無惡念是
爲人中之雄自致作佛爲護衆生夫學斯行
者疾成佛道是經書已雖不學誦者當持其
卷人鬼凶毒不能害矣宿命重殃唯斯不除
譬言如得佛處若人若鬼神獍狔從一面入無
能害者何以故用得佛處故其威神護過去
現在當來索佛道者皆當於中得佛道人入
其處不恐無畏明度所止天人鬼龍皆爲作

禮恭敬護視用經德尊故釋白佛言若有書
持經卷承事供養天寶名華栴檀玳瑁香繒
蓋幡若有持如來無所著正直真道最正覺舍
利起塔自歸作禮承事供養天寶華香具足
如上其福孰多佛言我問若隨所樂報云何
是如來一切智成是身出現於世從何義得
對曰從明度義得佛言不用是身舍利得佛
也乃從一切智生得佛身我滅度後舍利供
養如故若善人書是經學持諷誦自歸作禮
承事供養具足如前則為供養一切智已從
是經中得功德無比復白佛言閻浮提人民
不供養者為不知是福尊無比耶佛言有幾

所人信佛信經信比丘僧釋言信者少耳及
求溝港頻來不還應儀緣一覺至求佛者復
少矣佛言無量人行求佛道至於在不退轉
地立者若一若兩耳學是法會成佛當爲作
禮承事恭敬何以故用曉佛法世少有故過
去如來求佛道者皆從是成我時亦在中如
來滅度後取舍利起七寶塔盡形壽自歸作
禮承事供養天寶華香具悉如前滿四天下
若三千大千國土衆生悉得人道各作七寶
塔以伎樂樂之復過是如恒邊沙佛刹人人
起七寶塔供養劫復劫都是欲界中諸伎樂
華香繒蓋皆具如上所說其福德益多不對

一
曰甚多天中天佛言不如書持經卷自歸護
定福多無量何以故從中出如來一切智故
佛言百倍恒邊沙佛刹人皆起七寶塔不在
計中如是千萬億無數倍不在明度淨定計
中尔時四萬天子與釋俱來大會諸天子啓
釋言尊者當取誦是經佛言當學當持當誦
釋若質諒神興兵欲與忉利天戰其念誦是
經質諒神衆即去釋言天尊呪天中天佛言
然無輩過去當來今現在十方諸佛皆起是
呪自致作佛出十誠功德闍士大士從中生
佛未出於世時闍士悉出說照明四棄四拔
苦四事空五通譬如月盛滿時從空中出照

明於星閭士求功德盛滿如是皆從權德大明中出當作是知學持誦是經為至德悉具足佛言其人終不為邪毒水火兵刃王法所橫死何以故是明度所擁護若復有餘事起若至王所及太子傍臣所與之相見轉歡喜言笑所以然者以其普慈等濟恕惠群生潤功無量用是故見者悉起立小時有異道人遙見佛大會欲壞亂坐眾疾至佛所釋作是念當云何盡我壽在佛邊受誦是法即從佛聞受誦彼異道人遙遠遶天中天一帀從彼間道徑去秋露子念是中云何異道人從彼間道徑去心念是佛即知秋露子釋念明度

異道人無善意來故弊邪念佛與四部弟子
共坐愛欲天梵天諸天子悉復在中會無異
人闍士大士受決者會當爲人中之將自致
作佛我當往亂之是弊邪乘一轅之車駕馬
四疋稍至佛所釋作是念弊邪所乘非國王
瓶沙非波斯匿非釋種非維耶利四馬車皆
不類之正是弊邪所作也邪常晝夜索佛短
亂世人能常持心究竟明度邪便道還忉利
迦翼天子持天華在空中立便散佛上四面
散而尊歎曰究竟道源明度之謂也閻浮提
人民乃得聞見復持雜華四散佛上曰其有
求者守者終不爲邪衆所害也是輩人民福

德弘大何況乃學持諷誦用是法任其人前
世已得見佛淨心供養欲一切知得一切智
寶當從明度索之佛言然阿難白佛言無舉
名布施重戒忍辱精進棄定但舉明度名何
以天中天佛言明度於度中最尊云何阿難
不布施持戒忍辱精進禪定智者當緣為六
度無極一切智乎阿難言唯然天中天不行
六行不為六度誠非大明度無極一切智之
明矣佛言然大明最尊譬如地種散其中同
時出生衆生得命如是阿難明度如地五度
如種從中生成釋白佛言如來所說善士學
持誦明度者功德未竟佛語釋我不說是功

德未竟我自說書持經卷承事作禮華香名
寶雜繒蓋幡功德者耳釋白言我身護視是
人佛語釋誦明度者有若干千天到是師聽
經不解義者欲問所疑用慈於經中即自曉
了是人作功德悉自見知若於四部弟子中
說經時其心無所難若刑戮者終不畏何以
故明度所護凶弒者去佛言我不見人當明
度者人亦不見明度明度所馱也無有輕者
心不恐怖無所畏父母重之沙門哀之諸親
賢友愛之或惡事來持忠正法爲解之是善
士所作功德悉自見心當作是知十方無數
佛國諸天人鬼龍質諒神執樂神習臆行神

似人形神皆至經師所問訊聽受作禮致敬
繞畢各去斯行德使然四大天王忉利天鹽
天兜術天不驕樂天化應聲天梵天梵衆天
梵輔天大梵天水行天水微天無量水天水
音天約淨天徧淨天淨明天守妙天玄妙天
福德天德純天近際天快見天無結愛天上
諸天子皆往問訊聽受作禮遶竟各去諸無
結愛天尚悉來下在諸天中何況是三千大
千國土諸愛欲無色天子耶彼所處常完堅
無燒者除宿不請餘不能動其功德悉受是
時諸天來當知之釋言云何知天中天佛言
是善士女歡喜時知來已當避去聞鬼神香

或龍鬼神蛇軀神來到聞鬼神香以爲曾知
已當避去當淨身體用清淨故鬼神皆大歡
喜小天見大天來便避去尊天威神巍巍其
光重明稍安徐往尊天八至經所是善士女
則踊躍喜所止處悉當淨住是人病終不著
身所止處常安隱未嘗有惡夢夢中但見佛
見塔聞明度但見諸弟子見極過度見佛坐
見自然經輪見粗欲成佛時見諸佛得佛見
自然新經輪見若干闍士見六度種種解說
是當作佛見餘佛刹見佛及尊經無與等者
某方刹如來無所著正真道最正覺弟子衆
如來在其中說是輩善士夢如是已安隱覺

身體淨潔且輕不復思食自輕美飽若比丘
得定自定覺心輕不思食身輕美飽如何
以故鬼神不敢近是欲取佛者

大明度經功德品第四

復次帝釋是天下如來舍利滿中施與有持
智度無極書施與尔取何所釋言我取智度
何以故我不敢不敬舍利天中天舍利由斯
明度出天人所尊矣如我與諸天共座坐持異
牀我未至諸天子為座作禮遶已去是座尊
故吾於斯受經諸天於彼為禮如是天中天
明度出如來無所著正直道最正覺之舍利
一切智從中生身用是故兩分中取明度正

使三千大千國土滿中舍利為一分明度書
為一分取書何以故從中出舍利供養所致
譬如負債人與國王參正無復問者亦無所
畏何以故在王邊有力故也譬如無價明月
珠有是寶者其德無等所著處鬼神不得其
便不為所中若士女持明月珠所著鬼神即
去若中熱風寒持明月珠著身熱風寒皆除
去夜著冥中即明熱涼寒溫眾毒向已持珠
示之諸毒即滅如是天中天明月尊若人目
痛冥近之即愈其德巍巍在著何所便隨珠
色正使持若干種繒裏珠著水中水故如珠
色水濁即為清是珠德無比阿難問釋云河

獨彼有珠耶斯土亦有乎釋言亦有不足言
如我所說者異天下寶輕不如彼德尊十百
千萬億倍若以著篋函中其明徹出正使出
去處明如故天中天一切智德至如來滅度
後是一切智舍利徧布供養如故置是三千
大千國土滿中如來舍利正使恒邊沙佛刹
滿中舍利爲一分是經爲一分我於兩分取
是經佛語釋過去如來皆從中出自致成佛
甫當來及十方無數佛刹現在諸佛亦從中
出爲人中將自致成釋言一切衆生心所求
如來從明度悉了知佛言用是故闍士大士
晝夜求明度釋言惟求大明不求餘度乎佛

言六度無極皆求闍士布施持戒忍辱精進
一心分諸經不及求明度譬言如是天下種樹
若干色種種荼華實各異其影無異其影影相類
如是五度從明度出一切智種種相成無異釋
白佛言景明德尊其為難等矣天中天若有
書是經承事供養華香繒蓋幡若復授與人
其福孰多釋言自供養復分與人其福太多
佛言如是書經供養華香衆寶名繒蓋幡若
有書經供養復分與人其福無量經師所處
專說本淨其福甚多復次一天下人皆令持
十戒置是四天下復置小國中國二千三千
大國土如恒沙佛刹人民皆令持十戒其福

寧多不對曰甚多天中天佛言不如書是經
分與人使書學之其福倍多置上十戒皆令
作四棄四拔苦四事空及五通皆成得云何
其福寧轉倍多不對曰甚多天中天佛言不
如是書經卷與人使書若為讀其福倍多復
次學解中慧其福甚多釋白佛言云何學明
度解中慧佛言有當來善士欲得無上正真
道最正覺樂學明度惡友教學未知何等為
未知佛言來世比丘得經欲學惡友教之五
陰無常學五陰無常求作斯學失大明獲未
知佛言求者不壞五陰無常視何以故本無
故如斯當為景明之學其福無度復次一天

下人皆令得溝港頻來不還應儀一覺道皆
令成就又如恒沙佛刹人民皆求無上正真
道福不如淨定廣說義所以然者皆由斯定
得一切智十二經德皆由斯學成佛無盡佛
出即生溝港頻來不還應議緣一覺并發意求
佛獲斯定者福最尊矣若有善願欲疾作佛
以經施之令成大士得斯定者其福難盡釋
白佛言如是天中天極安隱是闍士大士疾
近佛用是故受其福轉倍多何以故其得是
法疾近佛坐善業語釋言善哉善哉當作是
解闍士受淨定疾得作佛所作行當如淨不
得景定不得作佛在所問

大明度經變謀明慧品第五

尔時慈氏闍士語善業有闍士大士代歡喜
最尊分德法雖或布施持戒所守分德法尊
無盖德被無表善業言當從是代歡喜分德
之法何以故十方無量佛刹一一刹土不可
計數滅度以是本所起無上正直道最正覺
及自致滅度處其功德極度所致之德諸弟
子所作布施持戒守法分德彼德最尊過無
所著功德都天中天持戒身定身慧身無所
罣礙身度知見身安隱大慈不可具計經中
所學諸功德都計合積之代歡喜德福尊無
盖以斯喜行用求無上正直道心念言持是施

與我作無上正直道當作是行心以來悉
逮得之慈氏語善業作是求以來者不逮得
作是施者善業言有不施者當從何得亦無
所守從何出生若意悔還為墮四顛倒所施
與無常謂常苦謂樂空謂實無身謂有身意
悔還所信還持是心求佛作是施與作無上
正直道慈氏語善業新學士女不當於前解
慧也何以故其所信樂所造德本恐亡還當
為不退轉說之若在善友邊久者解說之是
人不懼者也如是代歡喜極尊持是施與作
一切智持是心作是施與代歡喜是心盡滅
無處不可見何心作是施與得無上正直道

何心是心心無兩對心無身當作何施與乎
釋言恐新學士或怖而志還云何作功德施
與最尊代歡喜云何以作施與得無上正真
道善業言斯士闍士大士悉具足供養諸佛
破壞衆惡以等行如一降伏邪黨棄捐重擔
所有福德罪垢都寂戒定慧解脫度知見所
願已獲十方無數刹土有滅訖者所作分德
其尊無上何因闍士不悔心想云何不悔心
無所想持是施與作上行者正使是心念自
了知之作是曹想不悔心想如悔所喜悔正
使心念復了知是心作是爲想悔心悔喜悔
正使闍士持其心了知作是爲想覺持何等

施與持何所心了知作是覺持何等施與持
何所心了知是心諸法何所法持是施與爲
等與不及作是施諸過去當來今現在佛所
有功德及弟子未得道者天龍鬼神諸聞經
初發心學者都合積累代喜最尊矣持是功
德復知是法盡滅無處亦無法作是施與無
想悔無心悔無喜悔作是衆所不逮是爲無
上正真道施與他有分德不諦明之不作是
施與何故所致無所有代喜分德亦空閻士
作此明之諸佛所滅度者持所施與功德使
我悉得之如一作是知所行作無上正真道
是所作不在想過去所知盡滅想無處想作

念得作是想非施與也不作是想爲施與當
作是學閻士大士權德當於是中索之未得
明度不得入是法中所持分德中無得作是
聽身識是有德之人有想便著反欲苦住如
來無所著正真道最正覺不樂持施與持施
與見虛空何以故極大得滅訖視佛有想者
爲礙施是與大逮不當作是逮如來施與當
諦何以故雜毒病故作是施譬如美飯雜毒著
中色好甚香無不喜者不知飯中有毒愚人
食之歡喜飽滿其食欲消時必危身命矣夫
不知取施之義者不曉將護兩礙之難必如
毒飯之說也若高士欲施當如往古來今諸

佛持戒身定身慧身解脫身度知見所現慧
身及諸弟子於中所作功德是所佛緣一覺
施與持是功德都代歡喜施與以作無上正
真道持是想施與時悔謂之有用是故譬若
雜毒飯如是有德之人當作是覺知過去當
來現在佛云何施與何因成就出無上正真
道隨如來教持是施與知所作功德生時身
相經所得了知成時我作是代歡喜自致佛
道無過也終不離如來法不雜毒也當作是
施與如戒如定如慧如解脫如度知見慧所
現身無欲處無色處無空處亦無往古來今
從中來者譬若無所有是所施與諸法亦無

所有是為成施與中無毒也若作異施為行
反施惟闍士所施是法若佛皆更知作是施
自致作佛今我施已作無上正真道佛言善
哉善哉善業所作如佛又三千大國土人皆
使念四等心不如上施其尊無蓋也復次三
千大國人皆作無上正真道使如恒沙佛刹
人共供養之震越衣服飲食牀卧病瘦醫藥
事事具足如恒沙劫隨恣所樂云何其福寧
多不善業言甚多天中天佛言代喜功德福
過其上善業言功德如恒沙佛刹不能受也
佛言善哉善哉持明度者是所施與乃從本
來福出其上尔時四天王與二萬天子以頭

面著佛足却白佛言弘慈普施明度德化魏
魏無盡乃至於斯乎何以故學明度闍士大
士所勸樂故忉利天鹽天堯術天不驕樂天
化應聲天諸天子各以寶樹名華雜香以散
佛上繒蓋天幡伎衆樂歡心貢佛而歎曰極
大施與天中天大士權德乃作是施學明度
德大士所勸樂梵衆天梵輔天大梵天水行
天水微天無量水天水音天約淨天徧淨天
淨明天守妙天玄妙天福德天德純天近際
天使見天無結愛天諸天子皆以頭面著佛
足作是言闍士學明三界希有佛告諸天子
置是三千大國土中人皆作無上正真道者

更復異恒沙佛刹人都共供養是輩闍士大
士具隨所喜復過是者不及代歡喜施與三
世佛天中天持戒身定身慧身解脫身度知
見身及諸弟子在中作功德者都積累合會
雖尔代喜過上善業問言從中何得佛言求
闍士道有德人當知往古來今法無取無施
無想無見從是法中無所出生法無盡法心
往來法我作是代喜施疾得無上正直道復
次於三世佛所作布施持戒忍辱精進一心
明慧代歡喜無所罣礙法未來未成亦無所
罣礙十方無數佛刹現在者諸法不著不縛
不脫以是法作無上正直道是代喜施無能

過者無能壞之如恒沙佛刹闍士壽劫亦然
使彼人供養尔所闍士大士具足如彼多劫
如戒忍辱精進棄定法乃作是布施代歡喜
德尊出其上無量之計

大明度經卷第二

羽

溝港

上古謂已入聖流今溝港乃取此

流謂已入聖流今溝港乃取此

義也

或作溝港一往來頻來入梵云

或作溝港一往來頻來入梵云

斯陀舍

此云一往來頻來入梵云

此云一往來頻來入梵云

取滅度

宜作頓來作頻來誤也

宜作頓來作頻來誤也

那含已

斷煩惱不還人問也應儀道梵云

斷煩惱不還人問也應儀道梵云

羅漢

謂無煩惱也

謂無煩惱也

緣一

覺辟支佛也

覺辟支佛也

是初利

上音

上音

初利

寂字

寂字

一云能

仁梵

仁梵

云釋迦

文梵

文梵

除饑

色下欲出家無此故得除

色下欲出家無此故得除

云今士其義一也此避隈反下烏也獸伏檢反

戮難也上奇逆反去聲苦擒狩作禽獸珍琦奇下音繒

盖反上自陵道徑反下古定路弊耶斜上毗祭反下音

魔是一轅下音園斯匿王名也反刑戮下音慈

也凶弒下音試胷臆下音憶梵云摩睺問訊

亦作訊鹽天上音益亦云天摩完兒官二同惠

全也 嬌音達也 軀身俱反 沮欲上才 篋箱帖反 藥

捐下音綠 震越之類 病瘦亦作瘦 亦作訊

Handwritten marginal notes on the left side of the page.

7
13
7
A
765



